

ხელშეკრულება №265სშ
სახელმწიფო შესყიდვის შესახებ
(გამარტივებული შესყიდვა)
(CPV-18530000)

ერთი მხრივ, სსიპ საქართველოს ეროვნული არქივი (ს/კ 211358957), შემდგომში წოდებული „შემსყიდველად“, წარმოდგენილი გენერალურ დირექტორის თეონა იაშვილის სახით და მეორე მხრივ, შპს „ედვიაზ ჯგუფი“ (ს/კ 205263258), შემდგომში წოდებული „მიმწოდებლად“, წარმოდგენილი დირექტორის ანა ბუბუტიევილი სახით, ორივე ერთად წოდებული როგორც „მხარეები“, ვმოქმედებთ რა სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-3 მუხლის პირველი პუნქტის „ვ“ ქვეპუნქტის შესაბამისად, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2024 წლის კედლისა და მაგიდის სასაჩუქრე კალენდრების სახელმწიფო შესყიდვა №1 დანართის შესაბამისად
(CPV-18530000)

3. ხელშეკრულების ღირებულება

- 3.1. ხელშეკრულების ღირებულება შეადგენს **9'350.00 (ცხრა ათას სამას ორმოცდაათი) ლარს, დღგ-ს ჩათვლით.**
- 3.2. ხელშეკრულების ღირებულება მოიცავს როგორც საქონლის ღირებულებას, ისე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების პირობების, მათ შორის ფასის, შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4. საქართველოს სამოქალაქო კოდექსის 398-ე მუხლით გათვალისწინებულ შემთხვევებში ფასის ცვლილება დასაშვებია არაუმეტეს ხელშეკრულების ჯამური ღირებულების 10%-ით.

4. მხარეთა ვალდებულებები

4.1. მიმწოდებელი ვალდებულია:

- ა) უზრუნველყოს, ხელშეკრულების მე-2 მუხლით გათვალისწინებული საქონლის მიწოდება №1 დანართის შესაბამისად, რომელიც წარმოადგენს ამ ხელშეკრულების განუყოფელ ნაწილს და განიხილება მასთან ერთად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;
- გ) ხელი შეუწყოს შემსყიდველს ინსპექტირების განხორციელებისას;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) ხელშეკრულების გაფორმებიდან არაუგვიანეს 1 (ერთი) სამუშაო დღის განმავლობაში უზრუნველყოს ელ.საბეჭდი და სამუშაო ფაილების მიწოდება მიმწოდებლისათვის შემდეგ ელ.ფოსტაზე: maiko@adwise.ge
- ბ) უზრუნველყოს მიწოდებული საქონლის ინსპექტირება და დადებითი შეფასების შემთხვევაში მისი მიღება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. საქონლის ხარისხი

- 5.1. მიწოდებული საქონელი უნდა აკმაყოფილებდეს წინამდებარე ხელშეკრულების მე-4 მუხლის 4.1 პუნქტის „ა“ ქვეპუნქტით გათვალისწინებულ №1 დანართში აღნიშნულ მაჩვენებლებს და იყოს უნაკლო.

6. ხელშეკრულების შესრულების კონტროლი

- 6.1. შემსყიდველის მიერ ხელშეკრულების შესრულების კონტროლი განხორციელდება საქონლის მიწოდებისას.

6.2. ინსპექტირებას განახორციელებს, სსიპ საქართველოს ეროვნული არქივის საზოგადოებასა და საერთაშორისო ორგანიზაციებთან ურთიერთობის განყოფილების უფროსი სოფიო ჯობაგა ან იმ დროისათვის მისი მოვალეობის შემსრულებელი.

6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება მოწოდებული საქონელი წუნდებული, მიმწოდებელი ვალდებულია წერილობითი შეტყობინებიდან 5 (ხუთი) სამუშაო დღეში გამოასწოროს წუნი.

7. საქონლის მიღება-ჩაბარების წესი

7.1 საქონლის მიღება იწარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელისმოწერით, ფაქტობრივად მიწოდებული საქონლის შესაბამისად, წინამდებარე ხელშეკრულების 6.2 პუნქტით განსაზღვრული ინსპექტირების განმახორციელებელი პირის დადებითი ინსპექტირების დასკვნის საფუძველზე.

7.2 საქონლის მიწოდებამდე ყველა ქონებრივი უფლება საქონელზე ეკუთვნის მიმწოდებელს, რომელიც პასუხისმგებელია საქონლის შემთხვევით (მთლიანად ან ნაწილობრივ) დაღუპვაზე, განადგურებასა და რაიმე სახის ზიანზე. მიწოდების მომენტიდან აღნიშნული უფლებები და რისკები გადადის შემსყიდველზე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა: ლარი;

ბ) ანგარიშსწორების ფორმა: უნაღდო – წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

გ) დაფინანსების წყარო: 2023 წლის საკუთარი შემოსავლები.

8.2. შემსყიდველი იღებს ვალდებულებას, გადაუხადოს მიმწოდებელს ფაქტობრივად მიწოდებული საქონლის ღირებულება მიღება-ჩაბარების აქტის გაფორმებიდან და შემსყიდველის მიერ საქართველოს საგადასახადო კანონმდებლობით გათვალისწინებული შესაბამისი საგადასახადო ანგარიშფაქტურის დადასტურებიდან 10 (ათი) სამუშაო დღის განმავლობაში.

8.3. შემსყიდველი უფლებამოსილია, ხოლო მიმწოდებელი თანახმაა, ხელშეკრულების პირობების დარღვევის გამო დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის საფუძველზე მიმწოდებელზე გადასარიცხი თანხიდან და გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდზე.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული დანართი №1-ით განსაზღვრული საქონლის მიწოდების ვადებისა და პირობების დარღვევის შემთხვევაში მიმწოდებელს ეკისრება პირგასამტეხლო შესაბამისად ყოველ ვადაგადაცილებულ სამუშაო დღეზე ხელშეკრულების ღირებულების 0.07%-ის ოდენობით.

10.2. წინამდებარე ხელშეკრულების 6.3 ქვეპუნქტით განსაზღვრული ვადების დარღვევის შემთხვევაში მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე წუნდებული ნივთის ღირებულების 0.07%-ის ოდენობით.

10.3. წინამდებარე ხელშეკრულების 8.2 პუნქტით განსაზღვრული ვადის დარღვევის შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო შესაბამისად ყოველ ვადაგადაცილებულ სამუშაო დღეზე ხელშეკრულების ღირებულების 0.07%-ის ოდენობით.

10.4. იმ შემთხვევაში, თუ დამრღვევ მხარეზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) %-ს, მეორე მხარე იტოვებს უფლებას, შეწყვიტოს ხელშეკრულება და მოსთხოვოს დამრღვევ მხარეს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5. პირგასამტეხლოს გადახდა არ ათავისუფლებს დამრღვევ მხარეს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია, წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.
12.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს ქ. თბილისის საქალაქო სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას ან მოქმედი კანონმდებლობით დადგენილ სხვა შემთხვევებში.
13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.
13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

ხელშეკრულება ძალაში შედის მხარეთა ხელმოწერის თარიღიდან და მოქმედებს 2024 წლის 31 იანვრის ჩათვლით.

15. ფორსმაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორსმაჟორული მდგომარეობით.
15.2. ამ მუხლის მიზნებისათვის „ფორსმაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინითა და სხვა.
15.3. მხარემ, რომელსაც შეექმნა ფორსმაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოებისა და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

16. სხვა პირობები

ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების მოთხოვნათა შესაბამისად.

17. მხარეთა რეკვიზიტები:

შემსყიდველი

სსიპ საქართველოს ეროვნული არქივი
მისამართი: ქ. თბილისი, ვაჟა-ფშაველას გამზ. №1
ტელეფონი: 2 38 14 25
საბანკო რეკვიზიტები: სახელმწიფო ხაზინა
ბანკის კოდი: TRESGE22
ანგ. №GE24NB0330100200165022
ს/კ: 211358957

მიმწოდებელი

შპს „ედვაიზ ჯგუფი“
მისამართი: ქ. თბილისი, აღმაშენებლის ხეივანი, მე-9კმ
ტელეფონი: +995 597 10 25 55
ელფოსტა: maiko@adwise.ge
საბანკო რეკვიზიტები: სს „თბილისი ბანკი“
ბანკის კოდი: TBCBGE22
ანგ. № GE50TB0647236020100003
ს/კ: 205263258

დანართი №1

	შესყიდვის ობიექტის დასახელება და ტექნიკური მახასიათებლები	შესყიდვის ობიექტის განზომილება და რაოდენობა	მწარმოებლისა და წარმოშობის ქვეყნის შესახებ ინფორმაცია	ერთ. ფასი დღგ-ს ჩათვლით (ლარი)	მთ. ფასი დღგ-ს ჩათვლით (ლარი)	შესყიდვის ობიექტი მიწოდების პირობები, ვადა და ადგილი
1	2024 წლის კედლის კალენდარი ზომა: A3; ფურცლების რაოდენობა: 13 (ყდის და ბოლო გვერდის ჩათვლით); ბეჭდვა: ცალმხრივი ფერადი 4+1 (12 ფურცელი), ორმხრივი ბეჭდვა 4+4 (1 ფურცელი); მასალა: 300 გრამიანი გლუვი ცარცის ქაღალდი, ოფსეტური ლაქით 4+1; აკინძვა: თეთრი ზამზარით+რკინის რიგელი დასაკიდებლად; გარეკანზე წარწერები (კალენდარი Calendar 2024 და ნ. ვაჩნაძე) შერჩევითი გლუვი ლაქით; დიზაინი: საბეჭდი ფაილის შესაბამისი.	500 ცალი	წარმოშობის ქვეყანა: საქართველო	10.50	5'250.00	მიწოდების ვადა: არაუგვიანეს მ/წლის 25 დეკემბერი მიწოდების ადგილი: ქ. თბილისი, ვაჟა-ფშაველას გამზ. №1, სსიპს საქართველოს ეროვნული არქივის ადმინისტრაციული შენობა
2	2024 წლის მაგიდის კალენდარი ზომა: A5; ფურცლების რაოდენობა: 13 (ყდის და ბოლო გვერდის ჩათვლით); ბეჭდვა: ორმხრივი ფერადი 4+4; მასალა: 300 გრამიანი გლუვი ცარცის ქაღალდი, ოფსეტური ლაქით 4+1; ძირი: 2მმ-იანი თეთრი ფერის მუყაოს ქაღალდი, დაუბეჭდავი, ცალმხრივი პრიალა ლამინაციით; აკინძვა: თეთრი ზამზარით; დიზაინი: საბეჭდი ფაილის შესაბამისად.	500 ცალი	მწარმოებელი: „ედვაიზ ჯგუფი“	8.20	4'100.00	

სულ ღირებულება დღგ-ს ჩათვლით: 9'350.00 (ცხრა ათას სამას ორმოცდაათი) ლარი.

შემსყიდველი

სსიპ საქართველოს ეროვნული არქივი
მისამართი: ქ. თბილისი, ვაჟა-ფშაველას გამზ. №1
ტელეფონი: 2 38 14 25
საბანკო რეკვიზიტები: სახელმწიფო ხაზინა
ბანკის კოდი: TRESGE22
ანგ. №GE24NB0330100200165022
ს/კ: 211358957

მიმწოდებელი

შპს „ედვაიზ ჯგუფი“
მისამართი: ქ. თბილისი, აღმაშენებლის ხეივანი, მე-9კმ
ტელეფონი: +995 597 10 25 55
ელფოსტა: maiko@adwise.ge
საბანკო რეკვიზიტები: სს „თბილისი ბანკი“
ბანკის კოდი: TBCBGE22
ანგ. № GE50TB0647236020100003
ს/კ: 205263258